

影印
文淵閣

四庫全書

影印

文淵閣四庫全書

第一二二二冊

北京出版集團公司
北京出版社

本冊目次

禮部	積齋	燕石	秋聲	雁門	杏庭摘
錄集	集	集	集	集	稟

元 吳師道撰	元 程端學撰	元 宋 褰撰	元 黃鎮成撰	元 薩都拉撰	元 洪焱祖撰	元 洪在編
.....						
一	三三一	三六七	五二三	五六五	六六五	六六五

欽定四庫全書

集部
禮部集卷一至三

詳校官編修臣錢樾

中書臣劉源溥覆勘

總校官編修臣王燕緒

校對官編修臣沈清藻

謄錄監生臣鄒魯蔭

欽定四庫全書

集部五

禮部集

別集類四元

提要

臣等謹案禮部集二十卷元吳師道撰師道

有戰國策校註已著錄集原名蘭陰山房類

稿此本題曰禮部者蓋師道致仕以後授奉

議大夫禮部郎中以所進之官名之也

考張栻撰

師道墓表杜本撰師道墓誌皆稱致仕後授奉議大夫禮部郎中而宋瀟所作墓碑則稱

欽定四庫全書

禮部集

提要

一

以禮部郎中致仕元史本傳亦同蓋元史即瀟所撰故與碑合然樞與本皆師道舊友不

應有誤或瀟凡詩九卷文十一卷流傳頗夥

此本乃新城王士禎寫自崑山徐秉義家因

行于世師道少與許謙同師金履祥所著有

易雜說二卷書雜說六卷詩雜說二卷春秋

胡氏傳附正十二卷于經術頗深所補正鮑

彪戰國策註及所撰敬鄉錄于史事亦頗有

考證又與黃潛柳貫吳萊相與往來倡和故

詩文具有法度其文多闡明義理排斥釋老

能篤守師傳其詩則風骨道上意境亦深衷

然升作者之堂非復仁山集中格律矣蓋其

早年本留心記覽刻意詞章弱冠以後始研

究真德秀書故其所作與講學家以餘力及

之者迥不同云乾隆四十五年四月恭校上

總纂官臣紀昀臣陸錫熊臣孫士毅

總校官臣陸費輝

欽定四庫全書

禮部集

二

欽定四庫全書

禮部集卷一

元 吳師道 撰

賦

望嶧山賦

友人黃君晉卿向嘗為予言鄒縣之境東望

嶧山峭然孤起孟子實生於是可想見其人

焉子過其地睇瞻興懷信斯言之有徵因賦

以道之其詞曰

欽定四庫全書

禮部集

二

濟重江而北征兮漫千里之平陸過邾婁之故墟兮極

東鄉以騁目羣山委蛇而奔奏兮青遙遙其相屬萃峻

峯之孤起兮儼雄踞而特尊絕浮雲而上出兮俯培塿

其無隣曰茲惟東魯之嶧山兮實岱宗之陪輔昔日觀

其猶未覲兮乃獨快茲先睹表積石之嶙峋兮却朽壤

而弗附勢絡繹而綿延兮宜著名于終古惜行邁之靡

靡兮盼遼邈而不可登披圖牒而考稽兮嘉詩書之所

稱神禹定其職貢兮繫孤桐之挺植魯侯荒於大東兮

遂保有以為域彼祖龍其何知兮窮萬里之轍迹升遐
巔而頌功兮斯獻諛而助賊咸陽既已飛灰兮野火宜
不赦夫頑石侈心忽其安在兮惟樹德之罔極吾獨羨
夫山川之精英兮微聖賢其孰當偉孟氏之特起兮在
戰國而堂堂氣浩然而剛大兮壓后土而蟠穹蒼雖儼
聖之有迹兮邈餘子其奚敢望屹茲山之猶故兮信並
立而俱長微予友之昔言兮先有懷而不見悵欲語其
誰同兮徒激昂而增嘆

欽定四庫全書

禮部集
卷一

二

嶧山一名邾嶧山亦名鄒山

邾後改鄒故山從邑變

史記正義

引括地云在兗州鄒縣南二十二里鄒山記云鄒山
古之嶧山言絡繹相屬也今猶多桐樹然則詩鳧繹
之繹書之嶧陽同此山也書蔡傳地志云東海郡下
邳縣西有葛嶧山古文以為嶧山下邳今淮陽軍下
邳縣此據鄭氏說按此則徐有兩嶧竊恐鄒嶧為是
也

雲臥八極賦并序

集賢都事李君溉之風神高邁夙有山林之
趣題其室曰雲臥八極取太白詩語也且命
東陽吳某賦之愚觀君方以才業用而其言
將飄然獨往者故為之具道其樂而復因未
簡以致意焉其詞曰

承玄元之遐胄兮復孕靈于長庚夏高姿之絕塵兮中
湛然而潔清餐玉芝以為糧兮吸沆瀣于金莖襲蓀蘭
之芳非兮憂明璫之晶熒渺獨立乎物表兮噍濁壤之

欽定四庫全書

禮部集
卷一

三

營營羨山林之幽遐兮有白雲之英英攀謝公之遺躅
兮契希夷之高情澹怡悅而自足兮誰與共茲一壑撫
盤石以為牀兮翳長林以為幄被純素之幽光兮睨浮
游之冥漠羅孤彈之清琴兮送雙翔之黃鶴嘒飛泉而
漱松風兮渺天宇之寥廓歟飛神而輕舉兮凌倒景而
上浮建采虹以為旗兮挾迅雷以為輶前飛廉而後豐
隆兮並羲和而奔流始發軔于陽谷兮拂子袂兮扶桑
導巽隅而行適兮遂窮歷乎炎荒軼朱天之曠莽兮直

參井之所當跨崑崙而越流沙兮求曜靈之所藏不周
呀其欲合兮余超凌以徑度馳閭野之重陰兮命燭龍
使先路循尾閭而抵艮維兮復蕩蕩其無終予游曷其
有尼兮聊弭節而從容曠一息而萬里兮睇窮髮于咫
尺俯齊州之九點兮曾不啻夫蟻垤嘒下土之擾擾兮
紛萬蚋之起滅志彷徨而廣大兮揆厥初而不越散充
溢于無垠兮斂不滿夫鎔銖妙元化之於穆兮信機要
之有樞擴方宇之内外兮顧何適而非途時動靜而不

欽定四庫全書

禮部集
卷一

四

愆兮與造物而為徒委余心而一致兮又何必遯世而
離居亂曰雲蟠林栖荒以寂兮埃壒溷濁不可息兮至
人之心不滯于迹兮惟時惟中自大一兮

懷別賦

留別楊志行待制父子

余悲古人之不見兮每撫卷而長嘆幸斯文之未湮兮
有作者其猶可觀行四方而歷求兮嗟遇合之良難驅
余車于宛陵兮忝卑冗之微官際碩師之戾止兮挾文
采之鵷鷺仰門牆之咫尺兮從几杖之盤桓鼓經筵之

芳塵兮挹詞海之餘瀾誠內充以自慰兮忘栖栖之解
歡既往造夫承明之廬兮邈遐睇乎雲端忽幡然其來
歸兮踐良期于歲寒方金匱之紬書兮競羣英之彈冠
邇清光以奏伎兮銜奇賈于琅玕何翁季之齊志兮追
嘯歌於考槃蹇余抱此幽懷兮憎怫鬱乎肺肝望白雲
之悠悠兮昧飛雪之漫漫念不可以此留兮返余舍乎
叢蘭惜芳密而遽睽兮尚勸勸夫加餐俗滔滔而日靡
兮慨脩名之孰完時動靜公則然兮夫豈非小子之所

欽定四庫全書

禮部集
卷一

五

安雖千里其非遙兮炯相炤于中丹

至治四御史詩成憲甫廉使徵賦

至治之元英主當御時崇梵教大啓宮宇都城嗟咨民
勞役巨蹇蹇執法四臣列疏臣直伊何由聖明故維時
權姦實激寔怒誅竄重加誣以謗翹粵若古先誹木諫
鼓我元造邦責在憲府列聖虛心忠謬繼武偉茲弗褒
名節奚樹皇化更新直氣斯吐生榮歿資寵以異數嗟
嗟在位有目斯睹恪恭爾職正直是與明明國是赫赫

王度母利而回母禍而懼明於一時千載彌著小儒作
詩用贊言路

山中人二章贈方壽甫并寄尊翁存雅

山中人兮幽棲渺仙華兮翠微水冥冥兮谷淒淒秋莽
蒼兮煙霏綠熊兮玄猿吟嘯兮林間楓刁刁兮欲落桂
青青兮生寒弔玉女兮寂寞瞻故宮兮巔岼紛雲旗兮
翠蕤儼欲降兮復還復還兮何許愁慘戚兮不得語送
滄溟兮白日盡思軒轅兮涕如雨昔粵客兮同遊今獨

欽定四庫全書

禮部集
卷一

六

居兮白頭欲往從兮路阻脩倚秋風兮弗見仰雲空兮

悠悠

粵客謂
謝皋父

山中人兮相羊衣芳蓀兮蓉裳佩飛霞兮曼明璫挾兩
騄兮上驤飄絳節兮北荒蹇胡為兮石房空原無人兮
白雲茫茫山之英兮不來羌日暮兮徬徨歸來兮誰語
振雅音兮超前人以騁武揮五絃兮松風洗雙魚兮澗
中攀桂枝兮長相從我所思兮微茲人其誰與同

南寧軍載酒堂祠神樂章

宜春彭君震卿佐治儋耳訪求眉山先生遺

跡得故所鑿井渫之又新作載酒堂肖先生

像買田奉祀其表賢化俗之志誠非今世為

史者所及諸公為文若詩紀之當矣第想夫

考成招薦之初當有樂神之章因補其遺昔

韓子為柳州羅池廟碑末係以歌而先生

作韓碑效之間採韓語輒取斯意即先生所

以道韓者還事先生焉先生其吐諸其詞曰

欽定四庫全書

禮部集
卷一

七

荔子丹兮蕉黃瀝桂酒兮芬香昔無席兮今堂聖欲居

夷兮賢蹈海時不容兮何害吾未離人兮豈與元氣而

齊天睨翻天兮雲濤負瓢以歌兮著屐以遨神彷彿兮

猶豪風詩書兮公之教民飲食兮知報井有源兮寧室

而淖公神在天兮猶地有泉公昔言之兮我今亦然相

此邦兮尚千萬年

揆初堂詞

揆初兮茲堂思予親兮不忘羅甘毳兮酒漿親不在兮

曷其敢嘗揆初兮茲日思予親兮罔極吹笙兮鼓瑟親
不在兮曷其自逸嗟予身之在茲豈予親之遠而揆予
初而惕然盡今歸以為期

鶴野詞

為蕭存道
元帥作

鶴東飛兮遼海之涯海澄澄兮不驚波鶴西飛兮蜀山
之外山蒼蒼兮草木旆旆鶴飛來兮中州闕河廓兮煙
霧收望神京兮魏闕侶威鳳兮遨遊風高兮月白警清
唳兮中夕歛矯翼兮遐征超滇池兮一息嗟昂昂兮涵
欽定四庫全書

禮部集
卷一

八

姿孰在野兮能羈摩層霄兮放八極渺曠迥兮難為期

白雲詞

贈龍虎山孫道士

白雲兮溶溶朝躋兮太空白雲兮冉冉暮歸來兮山之
崦斂不盈兮散彌八區變化歟忽兮嗟孰吸而孰噓粵
有人兮神明游乘元氣兮上浮酒清冷之甘澍騰蜿蜒于
靈湫鄉人兮歌舞繼自今兮懼熾陽其無苦琳宮兮瑤
宇澹逍遙兮容與欲往從之路脩阻雲遙遙兮獨懷人
其延佇

欽定四庫全書

禮部集
卷一

九

禮部集卷一

欽定四庫全書

禮部集卷二

元 吳師道 撰

古詩五言

秋懷二首

江南木葉飛江北百草黃風煙澹莽蒼悵望川途長寒
魚聚其羣鴻雁忽成行俯仰念時物索居耿淒涼昔我
二三子敦好攻文章漂零時相失尺素不得將人生四
方志企爾揚聲光登山豈無車涉水亦有航真誠諒不

欽定四庫全書

禮部集
卷二

隔離別庸何傷

忽忽意不懌獨步登高丘羣山紛糾蟠前當大河流八
月草木凋萬里風雲愁寒晶蕩白日孤鴻去悠悠鴻飛
不可極其下禹九州古來英雄士百戰橫戈矛念我當
壯年弗獲茲地遊豈無干時畧欲往誰見收君看天馬
駒失足羞蹙牛

和李坦之二首

白雲滿蒼梧黃葉墮瀟湘九疑青峰下水冷孤祠荒漠

漠帝子魂千載懷故鄉秋風吹落日猩鼯嘯幽篁瑟聲
杳何處臨江思茫茫倚楫欲弔之南望涕霑裳

又

中原帶黃河大行卧崩釜寒空渺萬里日暮愁雲陰高
鳥飛不度狐兔餘哀音英雄百戰地意氣俱銷沉秋風
舊城闕野草荒煙深興亡不可極北望涕沾襟

李龍眠蓮社圖

遠公廬山下手種玉色蓮清脩香火社雜選山林賢龍

欽定四庫全書

禮部集
卷二

眠弄筆墨貌出晉宋前橫橋虎溪水古木東林煙須眉
策遺老瓶磬趺枯禪石壇花雨落稽首西方仙休吟散
梵帙風爐薦寒泉矯矯靖節翁歸心赴斜川分手溪上
笑攢眉社下綠林浪漉酒巾監興搖醉眠止飲諒匪難
恥受異教牽空山舊行跡寂寞餘千年竟令妄庸兒攝
誘紛相傳陶翁我尚友掩卷心茫然

浩然觀分得浩字

過雨秋正佳出郭山漸好松門表靈宮石澗綠細道空

壇故葉積深殿陰色早丹遺井水香仙去庭栢老伊昔
崇玄元構祠始天寶靈風却縹塵金幢飛翠葆猶餘千
年像遂走羣吏禱我生無俗情道妙窮深討天根息綿
綿虛白生浩浩永懷潔身私非闕恨枯槁緬邈鸞鶴翔
空山動秋草

和黃晉卿效古五首

美人隔雲端可望不可隨天秋光景暮青鳥倏何之明
明不識察耿耿長相思合離諒有分素志誰能虧

欽定四庫全書

禮部集
卷二

三

又

士生一失勢忽作鴻毛輕悠悠百年間臨河俟其清黃
塵漲白日古道無人行衰榮迭代謝故新更迭迎惟有
達識者振古流芳聲

又

升高望廣野游氣紛飛揚海岳潛銷變金石何能長英
英冠蓋區覆手狐兔場富貴奚足道俯仰令人忘

又

天氣無停吹北鴻復南飛鴻飛有時息游子去不極淹
留轉憔悴縑塵化衣色散樗有高枝芳桂無完皮多才
祇自累不隱知何為

又

生抱世外姿與世鮮所歡同心久契濶歲晏淒餘酸安
得子歸來製芝紉秋蘭散髮笑明月行歌采琅玕超然
息萬慮冥合造化端

上巳日水西紀遊

欽定四庫全書

禮部集
卷二

四

今歲仍癸丑佳辰况清明天空朗遐矚及此新雨晴會
心得良彥飛蓋背層城始循長溪轉復傍清林行冲湍
起亂響秀嶂巉孤橫邂逅見漁翁徘徊聽鶯鳴步入松
寺小坐逢僧話清洗鉢罷幽饌出門有餘情候暄覺風
快陰移知景傾前登古廟高俯睨春蕪平泛泛下白鳥
冥冥飛落英揮觴復臨流放歌聊濯纓境幽賞彌勝神
怡體自輕緬懷宇宙間茲日多合并五侯競豪靡晉人
悲死生豈若吾遊佳蕭然澹無營

夢先大父有感

死別一紀餘故迹隨流波哀端在腸臆慘若嬰沉疴昨
夢臨我前儼服冠我我手持一卷書授我仍長哦覺來
驚且悲庭樹酸風多愴怳送歸魂冉冉荒山阿永懷鍾
愛心生死耿不磨保躬蹈前訓沒世期無他奈何人事
乖志願嘗蹉跎平生素無淚此夕如傾河

題東吳謝氏春草池塘

江山富詞藻謝公劇清妍偶緣春風夢爭咏池草篇冥
搜諒亦苦神助誰云然情鍾同根愛妙契天機全西堂
渺風流東吳盛才賢烏衣鬱高門冠蓋何聯翩看花玉
缸飲聽雨書床眠會心得妙唱馳譽誰後先飛亭壓野
木極目春無邊幽芳動纖綠湛影搖清漣時令塵中客
浩蕩寄所宣徘徊不能勾返棹下蒼煙

清明哭

暄風吹陌塵野哭紛四起人哭尚可忍我哭那可止哀
哀兩年間奇禍不少俟哭母哀未終哭弟仍哭子生來

亦何娛展轉荆棘裏慰眼骨肉完豈恨同飲水春陽偏
羣動虐厲劇孤卉呼天自難噤尤怨寧昧理洒飯迨茲
辰淺壤魂猶寄泪竭眼欲枯沉痛徹心髓

送人貢杭米之京

后皇制任土職貢來四方珍異匪余求服食乃其常金
華有嘉種玉粢含芬香土人昔肇端每歲賦其鄉頗聞
播種初行者避畎疆斂收畢微納老稚不敢嘗擾擾府
中集數日何奔忙珠璣歷萬指錯落照九光圓好中式

度緘封謹繅囊矧今歲旱乾彌望茅葦荒野人懼不供
挈瓶越林岡及茲幸充數揚帆上天倉惟民秉恒性食
芹猶不忘勤動非所辭有司貴循良賢侯重承命護視
嚴周防行行不可遲去去凌風霜玉食倘見登仁恩沐
汪洋願推及物心共樂斯時康陳風以為贈別意何悠
長

和張同父感興五首

遠役嘉定居沉思惜流景秋風從何來脫葉下高嶺更

長夢屢斷月墮窻已罔感時增隱憂撫躬發深省幽姿
豈解媚窮步何能騁迂疎性彌篤紛華念終冷聖門有
真樂妙理存至靜玉韞山自輝錦絮衣須綯

又

驅車游中原北渡臨大河縱觀岱宗雲却挹東溟波廓
此隘陋胃萬象何森羅祇恨苦匆匆急步無委蛇八極
浩無垠熙運當泰和遍游尚有期慨然發長歌

又

欽定四庫全書

禮部集
卷二

七

我家城南陬門徑深綠蕪每受俗子憎終歲誰聞闌張
公數相過不憚百里途高談振風雅攜袖光驪珠頗令
好懷開有若沉疴蘓謬陪冠蓋遊浪迹九軌衢回首江
南春晴烟煖粉榆同心各有適嗟我寧非圖

又

我生苦無才振步強追古寧堪侶簪組但可投農圃一
經業三世顧恐忝厥祖免俗正未能用時終何補誓言
終弗畔惇志希曾魯

又

嚴霜知蒼松盤根識利器驚蹇混驛驢同驅不同至類
波漫滔天投足幾無地栖栖抱孱質岌岌抗獨志萬鍾
與千金何與平生事

金華觀分得琴字

春晏踐宿期雲間陟高岑獲從勝友俱遂此物外心月
窟探萬仞龍淵測重陰盤坐白石臺長嘯青標林莫探
虛皇居急雨含蕭森松風飛淙合終夜淒笙琴何能發

欽定四庫全書

禮部集
卷二

八

孤咏千載同遺音

溪山仙館圖

平川漾輕舟蒼石擁高樹煙中連嶂斷林際飛甍露茲
宇誰所營列仙實來聚我生戀溪谷忽去踏塵路坐恐
孤夙期臨風悅延佇

合歡木

合歡愛嘉名矧復知昏旦淮土產特多蔥蘢陰溝岬離
離青葉解冉冉紅葦散靜和宿露卷動與微風應物意

豈悅人和樂自堪玩蹇予寡所諧觸事多忿悁亦擬學
嵇生植根向庭畔

追和黃晉卿北山紀遊八首

靈源

昔從招提遊春投上方宿池光蕩寒煙月挂深巖屋夜
久僧不歸無人話心曲

草堂

秀巘擁翠屏飛樓納遐景幽泉雲根出峽雪漱清冷誰

欽定四庫全書

禮部集
卷二

九

知一源微流潤被千頃

三洞

遙遙覆盆山千重萬重翠洞門春正閒丹光夜非秘如

何安期輩可聞不可遲

鹿田

山空鹿不來玉女孤墳古雲林暗白日空翠洒飛雨黃

精苗正肥滿地無人取

寶峰

草深山徑微宿雨含沮洳憑雲陟層宮盤石翳幽樹未
遂邱壑棲悵然還獨去

潛岳

潘公舊游處清風滿林壑院古春苔生巖空夜泉落惟
餘一鉢在上塵漠漠

山橋

巉崖插澗立飛梁倚空上雲端挂遠白風林含餘響之
子有高懷獨恣山泉賞

欽定四庫全書

禮部集
卷二

十

寶石

春山花亂開野水被行路僧居不得到歷歷知佳處有
時夜深夢踏雨穿雲霧

休日雨

下曹窳將迎休日仍不休今晨雨勢急暫爾散羣驕解
衣東軒下卧聽浪浪流豈不厭煩溽所欣稍優游素琴
試一彈書卷開復收蕭然澹飲水兒女更啞嘔始知一
日間未易千金酬我非適時才分當老林邱失足墮塵

網憔悴祇取羞逢人數言歸人復笑我留我留意誰會
作詩聊寫憂

九日登響山奉呈同遊者

響山臨響潭曾識太白來我欲游其間却愧非仙才况
乃博微官終年走塵埃幸茲九日至獲與羣彦陪高秋
慘雲物薄日翳復開駐馬青松陰披襟上崔嵬前睨孤
城低下瞰清溪迴諸峯送遠色攬結何雄哉野菊半含
英濁醪初發醕且盡一笑歡良會不易諧溪聲宛如昨
欽定四庫全書
禮部集
卷二
十二

廬山紀遊贈黃伯庸

昔聞匡廬名今睹雄秀姿我舟薄其趾陰雨深蔽之平
生潔清念諒受廬君知寧辭三日淹未恨一見遲邂逅
得佳士欣然即追隨晴雲散諸峯攢青逗參差五老太

古色相對心融怡披衿尋鹿迹扶洞微賢祠風雲香餘
韻書臺抗層基前瞻辨五乳仰顧指狡狴却招白鶴仙
下瞰神龍陂飛橋度三峽艤棹凌深危噴濤雷雪眩轉
石雷霆馳薄暮不可留浙浙山風悲明發開先遊寒溪
涉清漪入門雙劍色夾道萬虬枝飛虹瀉青嶂漱玉下
深池竹亭負幽闕四壁多殘碑出林送落日踏月仍邀
嬉移舟星子灣回首煙霧時歸來記所歷一一天下奇
茲山信綿邈覽勝猶多遺簡書屬有程逼仄嗟絆羈悠
悠此時路依依後來期巢栖雲松間瓢飲澗水湄昔賢
有高躅安用微官為

望九華山

輕舟下池口遙望青陽郭雲間見九華爭先出鋒鏑參
差敵背缺峭銳圭首削竹箭拔春芽芙蓉攢秋萼奇姿
信明麗遠勢仍聯絡下有巖谷幽真靈諒茲宅詭哉末
世士強以名號託丹崖不受滓青鋒鎮如昨千載知屬
誰含情寄冥漠

宋齊丘號
九華先生

魯港

支港分江流長煙接淮岸青山暮隱隱白波寒漫漫津
鼓迎過船客子暫休館蕭瑟蘆葦叢酒家亦相喚按行
值遺老話舊仍永嘆當時一聲鉦散卒十三萬嗟哉彼
庸庸勤問比姬旦

十二月二十二日宿七里寺書壁

微宦不適意一身抱長憂况此凶歉年餓者擁道周及
物豈無念越職非所尤博濟古云難勸分動成仇荒村

欽定四庫全書

禮部集
卷二

十三

走風雪破寺寒颼颼中夜耿不眠胡為此淹留

四月二十六日即事

竹光含積雨滿室青沉沉階除無行跡時有幽蟲吟澹
然終日閒飲水弄書琴感慨復長歎誰共語此心遠聲
起天末門外江波深聳身上高閣晴雲出孤岑南風一
何佳遙遙披我衿

薔薇花詩為監州貫子素作

紅刺綴修條清陰幕高架植根向來誰依此絃歌舍使

君有雅懷在泮樂休暇挹翠開新軒爛錦迎初夏香隨
夜露發色許晨霞借孤葩殿奇絕衆目共驚詫柔枝貫
當中纖葉紛垂下生生無窮意心本滋萬化至理諒斯
存悟領復誰訝今年歌鹿鳴行將勸乃駕明倫崇振厲
淑士勤慰藉英華豈無微熒熒動光價寧殊當憲草未
遜同穎稼歌吟侈篇什宴賞飛蓋竿更托丹青傳千春
不周謝

百尺山圖為輝東陽賦

欽定四庫全書

禮部集
卷二

十四

戕戕大雄峯故是洪都望若人真有力獨坐不復讓穹
崇構臺殿金碧開巖嶂天華百谷滿鐘唄層雲上緬懷
季唐主詩語留奇壯至今昭回光草木變姿狀上人東
陽秀法筵擁龍象縮地入秋毫銜袖有百丈山川稟瑰
異宅據神滋王矧復此道崇奔走有信向弱質阻攀緣
披圖自惆悵

唐宣宗
題冊

禮部集卷二

欽定四庫全書

禮部集卷三

元 吳師道 撰

古詩

追和杜牧之弄水亭詩韻題清溪圖

池陽瀕大江羣山勢騫舞高甍出麗譙萬屋駢民伍決
泝清溪流光照城南戶飛梁壓水天荒亭仆風雨載酒
客誰來弄水人已去蒼煙帶林薄綠野分畦圃賈牆攢
比櫛魚舍低殘堵秋色漱生漪夕雲閑映渚蕭蕭蒲柳

欽定四庫全書

禮部集
卷三

脫緘緘葭蘆語遊鱗數條尾沉影窺鴈羽征毛寒未減
珠光時自吐隨流長堤盡當道奔石怒十里清瑤堆谿
研爭刻露僧居草棘翳仙洞霞飛貯却還望翠微絕憐
浸秋浦太白與樊川千載不可遇搖筆想吟詩攜壺記
遊處何當占民籍便欲棲村塢磯釣具竿綸畝耕供曰
杵暫遊竟返棹微官謾紆組中情託謠詠萬象恣嘲侮
九華興未已淞水期空負忽見張公圖如得千金賂沉
微正爭席榮誇無負弩悠悠山水思冉冉年歲暮展卷

倘頻來猶堪浣塵土

天厯己巳予過池陽與友人自清溪遊齊山賦詩紀
其事而溪上之勝未之及今觀靈源草堂所藏張公
謂清溪圖及諸巨公名章妙翰為之慨然自失因和
杜紫薇詩韻一首追述所懷非敢僭附昔人第以晚
未獲見是圖用志喜幸云爾

遊東峯分得松字

欽定四庫全書

禮部集
卷三

層巒陟峩峩前轉憩東峯周遊撫荒址分坐蔭茂松天
際遠瀨白煙中寒樹重遐瞻目已極幽情興未傭詠歸
樂童冠願言躡遺蹤

陳生山水圖

白雲從何來縈紆截青嶂落落倚岩松沍沍赴溪浪平
林出茅屋修梁亦相向如何寂無人此境付空曠憶我
秋雨餘江南入遙望

德興開化道中三首

春晨氣澄穆雜卉香滿路百舌鳴高林墟煙淡如霧晨